

ქ. თბილისი

13.03.2017 წელი

ერთის მხრივ თბილისის სახელმწიფო სამედიცინო უნივერსიტეტის პირველი საუნივერსიტეტო კლინიკა, მდებარე: ქ. თბილისი, გუდამაყრის N4 (შემდგომში, „შემსყიდველი“), მისი გენერალური დირექტორის გიორგი აბესაძის სახით და მეორეს მხრივ შპს „ტიბია“, მდებარე: ქ. თბილისი, ბესიკის №4, მიმდებარედ (ნაკვეთი 46/10), სართული 4, ბინა 14 (შემდგომში - „მიმწოდებელი“), წარმოდგენილი მისი დირექტორის კობა ჯახაიას სახით, ვხელმძღვანელობთ რა საქართველოში მოქმედი კანონმდებლობით, შემსყიდველის მიერ ჩატარებული ელექტრონული ტენდერის (SPA170001769) საფუძველზე, ვდებთ წინამდებარე ხელშეკრულებას შემდეგზე:

1. შესყიდვის ობიექტი

1.1 შესყიდვის ობიექტია: სამედიცინო მოწყობილობები (პროთეზები) (CPV33100000 - სამედიცინო მოწყობილობები), შესყიდვის ობიექტის დასახელებები და ზუსტი მახასიათებლები წარმოდგენილია დანართი №1-ში (დანართი N1 წარმოადგენს წინამდებარე ხელშეკრულების განუყოფელ ნაწილს).

1.2. მიმწოდებელი ვალდებულია ხელშეკრულების მოქმედების მანძილზე, უზრუნველყოს ოპერაციაზე საჭირო მასალის (შესაბამისი ზომის) და ინსტრუმენტების მიწოდება (შეტყობინების მიღებიდან 2 საათის განმავლობაში).

2. ხელშეკრულების ჯამური ღირებულება

2.1 ხელშეკრულების ჯამური ღირებულება შეადგენს 140930 (ას ორმოცი ათას ცხრაას ოცდაათი) ლარს.

2.2 ხელშეკრულების ჯამური ღირებულება მოიცავს მიმწოდებლისთვის მოქმედი კანონმდებლობით განსაზღვრულ ყველა გადასახადს.

3. შესყიდვის ობიექტის მიწოდების ვადები, ადგილი და პირობები

3.1. შესყიდვის ობიექტის მიწოდება ხორციელდება ეტაპობრივად, შემსყიდველის მოთხოვნილი რაოდენობის და ზომის შესაბამისად, (ამ ხელშეკრულების მიზნებისათვის წერილობით მოთხოვნად ან/და გაფრთხილებად ჩაითვლება მისი ფოსტის მეშვეობით გაგზავნა, ხელზე ჩაბარება ან/და ელექტრონული ფოსტის მეშვეობით (შემსყიდველის შემდეგი ელექტრონული ფოსტის მისამართებიდან: giomaglakelidze@yahoo.com; clinikkavtaradze@gmail.com, მიმწოდებლის ელექტრონული ფოსტის მისამართზე: tibia@zimmerbiomet.ge) გადაცემა), მოთხოვნიდან 2 (ორი) საათის ვადაში, 2017 წლის 31 დეკემბრის ჩათვლით.

3.2 შესყიდვის ობიექტის მიწოდება უნდა განხორციელდეს თსსუ პირველი საუნივერსიტეტო კლინიკაში მისამართი: (ქ. თბილისი, გუდამაყრის ქუჩა №4).

4. ხელშეკრულების მოქმედების ვადა

4.1 ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2018 წლის 31 იანვრის ჩათვლით.

5. შესყიდვის ობიექტის მიღება-ჩაბარების წესი

5.1 შესყიდვის ობიექტის მიღება ფორმდება მიღება-ჩაბარების აქტით, რომელიც დადასტურდება „შემსყიდველის“ და „მიმწოდებლის“ მიერ საამისოდ უფლებამოსილი წარმომადგენლების ხელმოწერით.

5.2 მიღება-ჩაბარების აქტის გაფორმებასთან ერთად „შემსყიდველს“ წარედგინება ანგარიშსწორებისთვის საჭირო ყველა სხვა დოკუმენტი.

6. ხელშეკრულების ობიექტის ხარისხი და გარანტია

6.1 მიმწოდებელი იღებს ვალდებულებას, რომ შესყიდვის ობიექტი იქნება სტანდარტებთან შესაბამისობაში.

6.2 შესყიდვის ობიექტის ხარისხი უნდა შეესაბამებოდეს შემსყიდველის მოთხოვნებს.

6.3. „შემსყიდველი“ ვალდებულია, წერილობითი ფორმით, დაუყოვნებლივ აცნობოს „მიმწოდებელს“ შესყიდვის ობიექტის ნაკლის აღმოჩენის შესახებ.

6.4 შეტყობინების მიღების შემდეგ, „მიმწოდებელი“ ვალდებულია, შემსყიდველის მიერ მითითებულ ვადაში აღმოფხვრას არსებული დეფექტები, საკუთარი ხარჯით ან ჩაანაცვლოს ახლით. მიმწოდებელს დაეკისრება,

როგორც შესყიდვის ობიექტის დეფექტების აღმოფხვრა, ასევე აღნიშნული დეფექტების შედეგად შემსყიდველისა და მესამე პირებისთვის მიყენებული ზიანის ანაზღაურება.

6.5 თუ „მიმწოდებელი“, ნაკლის აღმოფხვრასთან დაკავშირებით მიღებული შეტყობინების შემდეგ, არ შეასრულებს თავის ვალდებულებებს, „შემსყიდველს“ უფლება აქვს „მიმწოდებლის“ ხარჯით უზრუნველყოს არსებული დეფექტების გამოსწორება.

7. ანგარიშსწორების ფორმა, გრაფიკი (ვადები)

7.1 „მიმწოდებელთან“ ანგარიშსწორება განხორციელდება ლარში;

7.2 შესყიდვის ობიექტის ღირებულების ანაზღაურება მოხდება უნაღდო ანგარიშსწორებით;

7.3 წინასწარი ანგარიშსწორების გამოყენება შესაძლებელია საავანსო თანხის იდენტური ოდენობის უპირობო, გამოუთხოვადი საბანკო გარანტიის (გაცემული საქართველოს ეროვნული ბანკის მიერ ლიცენზირებული საბანკო დაწესებულების მიერ ეროვნულ ვალუტაში – ლარში) წარმოდგენის შემთხვევაში, რომლის მოქმედების ვადა არა ნაკლებ 60 (სამოცი) კალენდარული დღით უნდა აღემატებოდეს საქონლის მიწოდების ბოლო ვადას, ხელშეკრულების საერთო ღირებულების არაუმეტეს 50%-ის ოდენობით. მიმწოდებელმა ავანსის თანხა უნდა გამოიყენოს მხოლოდ ამ შესყიდვასთან დაკავშირებული ვალდებულებების შესასრულებლად

7.4 ანგარიშსწორება „შემსყიდველის“ მიერ მოხდება, შესყიდვის ობიექტის მიწოდების დამადასტურებელი დოკუმენტი(ებ)ის [(მიღება-ჩაბარების აქტის, სასაქონლო ზედნადებისა და საგადასახადო ანგარიშ- ფაქტურის (იმ შემთხვევაში თუ მიმწოდებელი დღგ-ს გადამხდელია, ხოლო თუ მიმწოდებელი არ არის დღგ-ს გადამხდელი, მაშინ მიმწოდებელმა უნდა წარმოადგინოს შესაბამისი ცნობა სსიპ შემოსავლების სამსახურიდან)] წარმოდგენიდან არაუგვიანეს 7 (შვიდი) სამუშაო დღის ვადაში.

7.5 მიწოდებული საქონლის დამადასტურებელი დოკუმენტაცია მიმწოდებელმა უნდა წარმოადგინოს შემდეგ მისამართზე: ქ. თბილისი, გუდამაყრის ქუჩა N4;

7.6 იმ შემთხვევაში თუ „მიმწოდებელი“ დაარღვევს ხელშეკრულებით განსაზღვრულ ვადებს, დაეკისრება პირგასამტეხლოს გადახდა, „შემსყიდველი“ უფლებამოსილია უარი თქვას სანაცვლო ვალდებულების შესრულებაზე მიმწოდებლის მიერ პირგასამტეხლოს თანხის სრული ოდენობით დაფარვამდე.

7.7. ანაზღაურება „მიმწოდებელთან“ განხორციელდება მის მიერ ფაქტობრივად მიწოდებული საქონლის შესაბამისად. ხელშეკრულების მოქმედების ვადის ამოწურვის მომენტისათვის ხელშეკრულების საერთო ღირებულებიდან დარჩენილი თანხა რჩება „შემსყიდველთან“ და იგი არ წარმოშობს მხარეებს შორის რაიმე დამატებით ვალდებულებებს.

7.8. თუ ავანსად გაცემული თანხიდან წლის ბოლოს სრულად არ მოხდება შესაბამისი პროდუქციის მიწოდება, შემსყიდველი დარჩენილ თანხას უპირობო, გამოუთხოვადი საბანკო გარანტიის საფუძველზე დაიბრუნებს უკან.

8. მხარეთა უფლება-მოვალეობანი

8.1 „შემსყიდველს“ უფლება აქვს:

- შეამოწმოს შესყიდვის ობიექტის შესაბამისობა ხელშეკრულებით გათვალისწინებულ პირობებთან.
- განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.
- უარი თქვას უხარისხო შესყიდვის ობიექტის მიღებაზე.

8.2 „შემსყიდველი“ ვალდებულია:

- წერილობით აცნობოს „მიმწოდებელს“ შესყიდვის ობიექტთან დაკავშირებული ყველა განსაკუთრებული გარემოების შესახებ.
- განახორციელოს ანგარიშსწორება „მიმწოდებელთან“ ხელშეკრულებით გათვალისწინებული პირობების შესაბამისად;
- დაიცვას ხელშეკრულების სხვა პირობები.

8.3 „მიმწოდებელს“ უფლება აქვს:

- მოსთხოვოს „შემსყიდველს“ მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული პირობებით.

8.4 „მიმწოდებელი“ ვალდებულია:

- გააფრთხილოს „შემსყიდველი“ შესყიდვის ობიექტის მიწოდების შეფერხების შესახებ.
- დაიცვას ხელშეკრულებით გათვალისწინებული ყველა პირობა.

9. მხარეთა პასუხისმგებლობა ხელშეკრულების დარღვევისას

9.1 მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

9.2 თუ ხელშეკრულების რომელიმე მხარე დაარღვევს წინამდებარე ხელშეკრულებიდან გამომდინარე ვალდებულებას, მაშინ ხელშეკრულების მეორე მხარეს შეუძლია მოითხოვოს ხელშეკრულებიდან გასვლა

ვალდებულების შესრულებისთვის მის მიერ დამატებით განსაზღვრული ვადის უშედეგოდ გასვლის შემდეგ (დამატებითი ვადის განსაზღვრისათვის გამოიყენება წერილობითი ფორმა). თუ ვალდებულების ხასიათიდან გამომდინარე, შეუძლებელია გამოყენებულ იქნას დამატებითი ვადა, მაშინ დამატებითი ვადის განსაზღვრას უთანაბრდება გაფრთხილება.

9.3 ხელშეკრულებიდან გასვლისას, მხარეს შეუძლია მოითხოვოს ზიანის ანაზღაურება, რომელიც მას მიადგა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4 ხელშეკრულებიდან გასვლასთან და ზიანის ანაზღაურებასთან დაკავშირებით, შესაბამისად, გამოიყენება საქართველოს სამოქალაქო კოდექსი.

9.5 ხელშეკრულებით გათვალისწინებული ვალდებულების შეუსრულებლობის შემთხვევაში, მიმწოდებელს ეკისრება პირგასამტეხლოს გადახდა, შეუსრულებელი ვალდებულების 10%-ის ოდენობით.

9.6 „შემსყიდველი“ უფლებამოსილია შესყიდვის ობიექტის მიწოდების ვადის გადაცილების შემთხვევაში, დააკისროს „მიმწოდებელს“ საურავი, ყოველ ვადაგადაცილებულ დღეზე - დროულად მიუწოდებელი შესყიდვის ობიექტის ღირებულების 0,2 (ნული მთელი ორი მეათედი) პროცენტის ოდენობით, მაგრამ არანაკლებ 10 (ათი) ლარისა.

9.7 შემსყიდველი იტოვებს უფლებას ხელშეკრულების 5.1. მუხლის დარღვევის შემთხვევაში, ხელშეკრულების საერთო ღირებულებიდან განახორციელოს იმ დროისთვის არსებული პირგასამტეხლოს თანხის დაკავება და გადარიცხვა შესაბამის ანგარიშზე. ეტაპობრივად ანგარიშსწორების შემთხვევაში, პირგასამტეხლოს დაკავება განხორციელდება უკანასკნელ ეტაპზე გადასახდელი თანხიდან.

9.8 9.7 მუხლის გამოუყენებლობა შემსყიდველს არ ართმევს უფლებას მოითხოვოს მიმწოდებლისგან პირგასამტეხლოს გადახდა.

10. ხელშეკრულების პირობების გადასინჯვის შესაძლებლობა

10.1 არავითარი გადახრა ან ცვლილება, ხელშეკრულების პირობებში, არ დაიშვება ორივე მხარის მიერ ხელმოწერილი წერილობითი შესწორების გარეშე.

10.2 თუ რაიმე წინასწარ გაუთვალისწინებელი მიზეზების გამო, წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

10.3 ფასების ცვლილების შესახებ ამ ხელშეკრულების მხარემ უნდა შეატყობინოს მეორე მხარეს წერილობით, რომელიც თავის მხრივ უფლებამოსილია არ დაეთანხმოს აღნიშნულ ცვლილებას.

10.4 წინამდებარე ხელშეკრულებით გათვალისწინებული პირობების შეცვლა დაუშვებელია, თუ ამ ცვლილებების შედეგად უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.5 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

10.6. ხელშეკრულებაში პირობების ცვლილება ფორმდება დანართის სახით და წარმოადგენს ხელშეკრულების განუყოფელ ნაწილს.

11. ხელშეკრულების შესრულების შეფერხება

11.1 თუ ხელშეკრულების შესრულების პროცესში, მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

11.2 იმ შემთხვევაში, თუ ხელშეკრულების პირობების შესრულების შეფერხების გამო, მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

11.3 „შემსყიდველს“ შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ:

ა) თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი საქონელი ან მისი ნაწილი;

ბ) თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

11.4 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

11.5 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

ა) თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

ბ) მიმწოდებლის გაკოტრების შემთხვევაში;

გ) თუ მისთვის ცნობილი გახდება, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;

დ) საქართველოს კანონმდებლობით გათვალისწინებულ სხვა შემთხვევებში.

11.6 11.3 ქვეპუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად მიღებული საქონლის ღირებულება.

12. ფორს-მაჟორი

12.1 მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწვეს შესაბამისი დროით, გარემოებათა დასრულების შემდეგ.

12.2 თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

12.3 მხარე, რომელსაც შეექმნა ფორს-მაჟორული გარემოება, დაუყოვნებლივ წერილობით აცნობებს ამის შესახებ მეორე მხარეს.

13. დავები და მათი გადაწყვეტის წესი

13.1 ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

13.2 შეთანხმების მიუღწევლობის შემთხვევაში, მხარეები მიმართავენ სასამართლოს საქართველოს კანონმდებლობის შესაბამისად.

14. ხელშეკრულების ინსპექტირების პირობები

14.1 „შემსყიდველი“ უფლებამოსილია შესყიდვის ობიექტის მიწოდების პარალელურად განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და „შემსყიდველის“ მოთხოვნებთან.

14.2 ხელშეკრულების შესრულების კონტროლზე პასუხისმგებელ პირს წარმოადგენს აფთიაქის გამგე.

14.3 შემოწმების შედეგად გამოვლენილი ნებისმიერი ნაკლის ან დეფექტის შესახებ „შემსყიდველი“ დაუყოვნებლივ წერილობით აცნობებს „მიმწოდებელს“ წუნდების მიზეზების მითითებით.

14.4 გამოვლენილი დეფექტის ან ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება „მიმწოდებელს“, საქართველოს კანონმდებლობით დადგენილი წესით.

15. სხვა პირობები

15.1 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.2 მესამე პირთან ურთიერთობაში მხარეები მოქმედებენ საკუთარი სახელით, ხარჯითა და რისკით.

15.3 ამ ხელშეკრულების მიზნებისთვის (მათ შორის ხელშეკრულების მე-7 და მე-9 მუხლების მიზნებისთვის) შემსყიდველი მხარე დამატებით განმარტავს, რომ თსსუ პირველი საუნივერსიტეტო კლინიკის დაფინანსების წყაროს წარმოადგენს საკუთარი შემოსავლები, რომლის ძირითად წილს შეადგენს საყოველთაო ჯანმრთელობის დაცვის სახელმწიფო პროგრამიდან მიღებული თანხები.

15.4 ხელშეკრულება შედგენილია ქართულ ენაზე, ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15.5 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

15.6 ყველა დანართი და ხელშეკრულების დამატება, რომელიც ხელმოწერილია მხარეთა უფლებამოსილი წარმომადგენლების მიერ ითვლება ხელშეკრულების განუყოფელ ნაწილად და სავალდებულოა შესასრულებლად.

15.7 მხარეები სრულად არიან პასუხისმგებელი მათ მიერ ხელშეკრულებაში მითითებული რეკვიზიტების სისწორეზე. რეკვიზიტების ცვლილების თაობაზე, მეორე მხარეს ეცნობება წერილობით.

15.8 ნებისმიერი ოფიციალური ურთიერთობა, ხელშეკრულების დამდებ მხარეებს შორის, უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია კომუნიკაციის თანამედროვე საშუალებების გამოყენება იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ, ან ხელშეკრულებაში მითითებულ მისამართზე, საფოსტო გზავნილის მეშვეობით. იმ შემთხვევაში თუ მხარისათვის შეტყობინების გადაცემა ვერ ხერხდება ხელშეკრულებაში აღნიშნულ მისამართზე, იმის გამო, რომ მისამართი არასწორადაა მითითებული, შეტყობინება ჩაითვლება ჩაბარებულად და შეტყობინებაში მითითებული ვადების ათვლა განხორციელდება საფოსტო გზავნილის შესაბამის მისამართზე წარდგენის მომდევნო დღიდან.

16. მხარეთა იურიდიული მისამართები და რეკვიზიტები

„შემსყიდველი“

თბილისის სახელმწიფო სამედიცინო უნივერსიტეტის

პირველი საუნივერსიტეტო კლინიკა

მისამართი: ქ.თბილისი, გუდამაყრის N4

საიდენტიფიკაციო ნომერი 211328703

სახელმწიფო ხაზინა, კოდი TRESGE22

ა/ა GE24 NB03 3010 0200 165 022

„მიმწოდებელი“

შპს „ტიბია“,

მისამართი: ქ. თბილისი, ბესიკის №4,

მიმდებარედ (ნაკვეთი 46/10), სართული 4, ბინა

14

საიდენტიფიკაციო ნომერი 202238060

სს „პროგრედიტ ბანკი“

კოდი: MIBGGE22

ა/ა GE 86 PC0113600100021021

ტელ: 2911227; 599 710321

გენერალური დირექტორი

გიორგი აბესაძე



დირექტორი

კობა ჯახაია



დანართი N1 SPA170001769

N	დასახელება	ტექნიკური მახასიათებლები	მწარმოებელი ქვეყანა	წარმოებული კომპანია და მარკა/ზუსტი მოდელი	განზომილება	რაოდენობა	ერთ. ფასი	სულ ფასი (ლარი)
მენჯ ბარძაყის სახსრის ცემენტის ენდოპროთეზი								
1	ცემენტიანი ფეხი	სხვადასხვა ზომის: 1,2,3,4,5	აშშ	ZIMMER GmbH / CPT	ცალი	2	825	1650.00
2	ცემენტიანი ფოსო	სხვადასხვა ზომის: 47,49,51,53,55,57	აშშ	ZIMMER GmbH / ZCA	ცალი	2	250	500.00
3	ცემენტიანი თავი	სხვადასხვა ზომის: 28 მმ: S,M,L	აშშ	ZIMMER GmbH / CPT MOD	ცალი	2	220	440.00
4	ცემენტი	40გრ.	გერმანია	ZIMMER GmbH / HI FATIGUE BONE CEMENT	ცალი	2	100	200.00
მენჯ ბარძაყის სახსრის უცემენტო ენდოპროთეზი								
5	უცემენტო ფეხი ცვაიმულის ტიპის	სხვადასხვა ზომის: 01,0,1,2,3,4,5,6,7,8,9,10,11,12	შვეიცარია	ZIMMER GmbH / ALLOCLASSIC ZWEYMULLER	ცალი	23	1380	31740.00
6	უცემენტო ფოსო	სხვადასხვა ზომის: 44,46,48,50,52,54,56,58,60,62,64,66	აშშ	ZIMMER GmbH / TRILOGY	ცალი	23	700	16100.00
7	პოლიეთილენი კროსლინკის ტიპის, მაღალმოლეკულური	სხვადასხვა ზომის: 44,46,48,50,56,58,60,62,64,66	აშშ	ZIMMER GmbH / Poly liner CROSSLINK	ცალი	23	325	7475.00

8	უცემენტო თავი	სხვადასხვა ზომის: 28 მმ: -3.5, 0, +3.5, +7, +10.5	აშშ	ZIMMER GmbH / VERSYS	ცალი	23	225	5175.00
მუხლის სახსრის ენდოპროთეზი								
9	წვივის კომპონენტი	სხვადასხვა ზომის: 3,4,5,6,7,8	აშშ	ZIMMER GmbH / NEXGEN PRECOAT STEMMED TIBIAL PLATE	ცალი	7	1100	7700.00
10	ბარძაყის კომპონენტი მარჯვენა მარცხენა	სხვადასხვა ზომის: მარჯვენა: C,D,E,F,G. მარცხენა: C,D,E,F,G	ირლანდია	ZIMMER GmbH / NG LPS Femoral Component	ცალი	7	1350	9450.00
11	მუხლის ენდოპროთეზის პოლიეთილენი	სხვადასხვა ზომის: CD/3-4, EF/3-4, EF/5-6, CD/5-6, GH/7-10, EF/7-10	აშშ	ZIMMER GmbH / LPS-FLEX FXD MLD	ცალი	7	400	2800.00
12	ცემენტი	40 გრ.	გერმანია	ZIMMER GmbH / HI FATIGUE BONE CEMENT	ცალი	7	100	700.00
მენჯ ბარძაყის სახსრის ცემენტის ენდოპროთეზი, ბიპოლარის ფოსო/პოლიეთილენით								
12	ცემენტის ფეხი	სხვადასხვა ზომის: 1,2,3,4,5	აშშ	ZIMMER GmbH / CPT	ცალი	5	825	4125.00
13	ბიპოლარის ფოსო	სხვადასხვა ზომის: 44,45,46, 47,48,49,50,51,52,53,54,55,57,58	აშშ	ZIMMER GmbH / BIPOLAR	ცალი	5	1070	5350.00
14	პოლიეთილენი ბიპოლარის	სხვადასხვა ზომის: 44/45/46, 47/48/49, 50/51/52, 53/54/55, 57/58	აშშ	ZIMMER GmbH / BIPOLAR	ცალი	5	580	2900.00
15	ცემენტის თავი	სხვადასხვა ზომის: 28 მმ: S,M,L	აშშ	ZIMMER GmbH / CPT MOD	ცალი	5	220	1100.00
16	ცემენტი	40 გრ.	გერმანია	ZIMMER GmbH / HI FATIGUE BONE CEMENT	ცალი	5	100	500.00

მენჯ ბარძაყის სახსრის უცემენტო ენდოპროტეზი, ბიპოლარის ფოსო/პოლიეთილენით								
17	უცემენტო ფეხი ცვაიმულის ტიპის	სხვადასხვა ზომის: 01,0,1,2,3,4,5,6,7,8,9,10,11,12	შვეიცარია	ZIMMER GmbH / ALLOCLASSIC ZWEYMULLER	ცალი	2	1380	2760.00
18	ბიპოლარის ფოსო	სხვადასხვა ზომის: 44,45,46, 47,48,49,50,51,52,53,54,55,57,58	აშშ	ZIMMER GmbH / BIPOLAR	ცალი	2	1070	2140.00
19	პოლიეთილენი ბიპოლარის	სხვადასხვა ზომის: 44/45/46, 47/48/49, 50/51/52, 53/54/55, 57/58	აშშ	ZIMMER GmbH / BIPOLAR	ცალი	2	580	1160.00
20	უცემენტო თავი	სხვადასხვა ზომის: 28 მმ: -3.5, 0, +3.5, +7, +10.5	აშშ	ZIMMER GmbH / VERSYS	ცალი	2	225	450.00
სხვადასხვა პროთეზები								
21	უცემენტო ფეხი კორაის ტიპის	სხვადასხვა ზომის: 1,2,3,4,5,6,7,8,9	შვეიცარია	ZIMMER GmbH / AVENIR	ცალი	2	2450	4900.00
22	უცემენტო ფეხი ფიტმორის ტიპის	სხვადასხვა ზომის: 1,2,3,4,5,6,7,8,9,10,11,12,13,14	შვეიცარია	ZIMMER GmbH / FITMORE	ცალი	2	2450	4900.00
23	უცემენტო ფეხი ML Taper-ის ტიპის	სხვადასხვა ზომის: 5, 6, 7.5, 9, 10,11, 12.5, 13.5, 15, 16.25, 17.5, 20, 22.5	აშშ	ZIMMER GmbH / ML TAPER	ცალი	2	2500	5000.00
24	ყელი ML Taper-ის ტიპის	სხვადასხვა ზომის: A,AA,B,BB,C,CC, D,DD,E,E1,E2,G,G1,G2,J,J1,J2,K,K1,K2, P,P1,P2,R,R1,R2,S,S1,S2,X,X1,X2	აშშ	ZIMMER GmbH / KINECTIV MODULAR NECK	ცალი	2	750	1500.00
25	ვაგნერის ფეხი	სხვადასხვა ზომის: 265 მმ: 14,15,16,17, 18,19,20. 305 მმ: 14,15,16,17,18,19,20	შვეიცარია	ZIMMER GmbH / WAGNER	ცალი	2	3000	6000.00
26	ბურჟნაიდერის ტიპის რინგი 6 ჭანჭიკით მარჯვენა მარცხენა	სხვადასხვა ზომის: მარჯვენა:44,50,56 მარცხენა:44,50,56	შვეიცარია	ZIMMER GmbH / B-S REINFORCEMENT RING	ცალი	1	1150	1150.00

27	ტრაბეკულარ მეტალის ფოსო	სხვადასხვა ზომის: 38,40,42,44,46,48	აშშ	ZIMMER GmbH / TRABECULAR METAL ACETABULAR SHELL	ცალი	2	2600	5200.00
28	უცემენტო თავი კერამიკა	სხვადასხვა ზომის: 28 მმ: -3.5, 0, +3.5	შვეიცარია	ZIMMER GmbH / BIOLOX DELTA	ცალი	2	1350	2700.00
29	ბარძაყის სარევიზიო კომპონენტი	სხვადასხვა ზომის: მარჯვენა: C, E, F, G. მარცხენა: C, E, F, G	აშშ	ZIMMER GmbH / NexGEN LCCK	ცალი	1	3015	3015.00
30	ბარძაყის გრძელი ფეხი	10მმx120მმ, 12მმx145მმ	აშშ	ZIMMER GmbH / NexGEN LCCK STEM EXTENSION	ცალი	1	1850	1850.00
31	ფოსოს ჭანჭიკი	სხვადასხვა ზომის: 6,5 მმ: 20,25,30,35,40	აშშ	ZIMMER GmbH / BONE SCREW	ცალი	6	50	300.00
სულ თანხა (ლარი)								140930

გენერალური დირექტორი
გიორგი აბესაძე



დირექტორი
კობა ჯახია